

文淵閣

影印

四庫全書

影印

文淵閣四庫全書

第六九一冊

北京出版集團公司
北京出版社

圖書在版編目(CIP)數據

影印文淵閣四庫全書 / (清)紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字(2012)第059042號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清)紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

御批資治通鑑綱目(三)

宋 朱熹撰
清 聖祖批

.....一

欽定四庫全書

御批資治通鑑綱目卷三十八

史部

詳校官修撰臣錢榮
編修臣程嘉謨覆勘

總裁官降調編修臣倉聖脉
校對官中書臣宋枋遠
謄錄監生臣趙之聖

欽定四庫全書

御批資治通鑑綱目卷三十八

起戊寅隋恭帝侗皇泰元年八月唐高祖武德七年凡六年

有奇

八月秦主舉卒子仁果立考異

按崩葬例曰無統之君稱帝者曰某主某殂此

當書殂

誤作卒

和發言於薛舉曰唐兵新破關中騷動宜乘勝直取長安舉然之會病卒仁果立居折塢城集覽

折塢城名質實關中注見唐元中開元十一年京兆長安縣名注見漢惠帝五年一統志

欽定四庫全書

御批資治通鑑綱目

云折塢城在西安府宜祿廢縣北五里唐初秦王薛仁果居折塢城太宗圖之即此

書法凡主書卒有正統也於是夷隋於列國矣則其卒秦主何將予唐以正統也故秦主書卒

楚主書卒

唐立李軌為涼王

唐主欲與李軌共圖秦隴遣使招撫之謂之質實秦從弟執大喜遣弟入貢遂冊拜執為梁王

二州名秦注見漢光武建武元年天水隴注同上六年沂

唐遣秦王世民伐秦隋人葬煬帝於江都

隋江都太守陳叔陵求得煬帝之柩略備儀衛葬之質實江都郡名注見漢武帝元朔五年淮南

魏公密與隋戰大敗遂以其眾降唐

李密驕矜不恤士眾徐世勣嘗譏其短密不擇使出鎮黎陽以疎之洛口倉無防守文券取者隨意委棄衙路米厚數寸群盜來就食者近百萬口東都降者日以百數洵米洛水兩岸十里聚如白沙密喜謂賈閏甫曰此可謂足食矣閏甫曰國以民為本民以食為天今民強負而至者以所天在此故也而有司不各屑越如此一日米盡民散孰與成大業哉時隋軍之食密軍少衣王世充請交易密許之東都降者遂少世充簡兵擊密密留王伯當守金墻而元真守洛口自引精兵出偃師北阻印山以待之召諸將會議裴仁基曰世充悉眾而至洛下必虛可簡精兵三萬傍河西出以逼東都世充還我且按甲如此則我有餘力彼勞奔命破之必矣密曰公言大善既而諸將欲戰者什七八密又惑而從之仁基苦爭不得魏徵

欽定四庫全書

御批資治通鑑綱目卷三十八

亦言於長史鄭頊曰公雖驍勝而驍將銳卒多元戰士心急難以應敵且世充乏食志在死戰未若深溝高壘以拒之不過旬月世充必退迫而擊之蔑不勝矣頊曰此老生之常談耳密輕世充不設壁壘世充夜遣騎潛入北山伏谿谷中命軍士皆秣馬蓐食遲明薄密密兵未及成列世充縱擊之世充士卒皆潰淮刺勇出入如飛戰力酣伏兵乘高馳下密眾大潰馳回洛口元真已遣人潛引世充矣單雄信亦降於世充密自度不能支帥輕騎奔虎牢王伯當亦棄金墻保河陽密欲南阻河北守大行東連黎陽以圖進取諸將曰兵新失利眾心危懼難以成功密曰孤所恃者眾也眾既不願孤道窮矣諸君幸不相棄當共歸關中眾咸曰然從密入關者二萬人於是密之將帥州縣多降於隋元真本縣吏坐賊亡命從翟讓讓以為書記及密開幕府薦以為長吏密不得已用之未嘗使預謀盡元真貪鄙宇文溫勸密殺之元真知

之故叛雄信驍捷善馬梁軍中號飛將房彥藻以雄信輕於去就勸密除之密愛其材不忍也至是果叛

集覽者彼將日月樓遲薛越之中野言輕棄之也秣

馬辱食左傳文七年秣馬尊食潛師夜起注秣音末說文作秣云食馬穀也尊音尊尊食早食於寢尊也

薄密薄音博迫也質實三年洛口倉注見漢成帝紀和迫之欲與戰也

七年文券注見梁武帝天監十六年東都注見秦莊襄王元年三川洛水注見漢高后三年極負注見漢

瑒帝延平元年金墻城名注見魏元帝咸熙二年偃師縣名注見唐肅宗至德二年印山注見漢靈帝中

平六年洛下謂洛州注見漢獻帝建安十三年許下虎牢關名注見晉帝奕太和四年河陽縣名注見漢

帝元更始二年孟津太行山名注見周安王十六年幕府注見秦王政三年

欽定四庫全書

御批資治通鑑綱目卷三十八

秦圍涇州唐兵敗績守將劉感死之

唐將軍劉感鎮涇州薛仁果圍之唐長平王叔良將兵至仁果偽遁又遣高墪人偽以墪降叔良命感帥眾赴之大敗仁果擒感復圍涇州令感語城中云援兵已敗不如早降感許之至城下大呼曰逆賊饑餒亡在朝夕秦王帥數十萬眾四面俱集城中勉質實之仁果怒埋感至膝馳騎射之至死聲色逾厲質實涇州注見漢光武建武元年安定長平縣名注見梁武帝中大通六年

發明隋氏負不義之名故雖有致命效死之臣皆書于冊綱目之去取如此一以孤逆賊之黨一以褒忠義之士皆所以垂世勸戒也

唐遣使如突厥突厥遣使報之

唐遣鄭元琦以女妓賂始罕可汗始罕遣質實突厥使報之唐主與之宴引升御坐以寵之種名注見梁武帝大同十一年可汗夷秋君長之號注見後主景耀四年

唐行戊寅歷

白馬道士傳白馬縣名注見漢仁均所造也質實獻帝建安五年

隋宇文弒秦王浩自稱許帝

宇文弒秦王浩自稱許帝宇文弒秦王浩自稱許帝無成負弒君之名天下不容必將滅族豈不由汝智及怒數相闢其眾多亡化及嘆曰人生固當死豈不一日為帝乎於是鴆殺秦王浩稱帝於魏縣國號

許集覽醉尤怨也質實魏縣注見漢成帝二年

欽定四庫全書

書法秦王浩何不反之為帝也故立書秦王浩弒書秦王浩然則其書弒何化及前既立之不

再三不書隋於是復書所以正其弒也

冬十月朔日食質實日食注見新莽天鳳元年○唐以李密為光祿

卿邢國公考異

邢上滿

密將至唐主遣使迎勞相望密喜曰我擁眾百萬解甲歸唐比於寶融功亦不細豈不以台司見處乎至長安乃拜光祿卿賜集覽凡於寶融更始時寶融行卿邢國公密大失望集覽河西大將軍事後歸漢光武授以涼州牧又賜以外屬國後平龍蜀拜大司空恩寵在功臣之右台司宿鳴司三公之位也蓋三公者上應三台三質實神州名注見楚義帝元年襄國司者司分鼎足

唐以淮安王神通為山東安撫大使質實淮安郡名注見齊武帝永

明五年山東道名注見宋文帝元嘉二十五年○朱粲自稱楚帝取唐鄧州刺

史呂子臧死之

鄧州刺史呂子臧與撫慰使馬元規擊朱粲破之言於元規曰繫新敗危懼併力擊之一舉可滅若復遷延其徒稍集則為患深矣元規不從既而繫收果餘眾兵復大振自稱楚帝進攻鄧州子臧撫膺謂元規曰老夫今日坐公死矣會霖雨城壞所親勸子臧降子臧曰安有天子方伯降賊者乎帥麾下赴敵而死元規亦死質實鄧州注見周赧王十四年

發明鄧州之敗馬元規與呂子臧俱死而不得俱書者元規不從子臧之策以致於敗故也

欽定四庫全書

隋以王世充為太尉

徐文遠復入東都見世充必先拜或問曰君倨見王密而敬王公何也文遠曰魏公君子也能容賢士王公小人也能殺故人吾何敢不拜

唐以李襲譽為太府少卿

隋末羣盜起冠軍司兵李襲譽說西京留守陰世師遣兵據永豐倉發粟以賑窮乏出庫物賞戰士移檄郡縣同心討賊世師不能用乃求募兵山南唐主克長安召為太府少卿附屬籍質實冠軍言在諸軍之上注見漢武帝元朔六年李襲譽龍西狄道人襲志之弟移檄注見楚義帝元年

唐納言實抗罷質實納言官名注見漢靈帝光和元年○十一月涼王

軌稱帝○唐秦王世民破秦兵圍折塢秦主仁果出降

薛仁果之為太子也與諸將多有隙及即位眾心猜懼郝瑗哭舉而死由是寢弱秦王世民至高塘仁果使宗羅喉將兵拒之世民堅壁不出諸將請戰世民曰我軍新敗士氣沮喪賊恃勝而驕有輕我心宜閉壘以待之彼驕我奮可一戰而克也乃令軍中曰敢言戰者斬相持六十餘日仁果糧盡所部多降世民乃命梁實營於淺水原以誘之羅喉大喜盡銳攻之數日世民度其已疲謂諸將曰可以戰矣使龐玉陳於原南羅喉并兵擊之王幾不能支世民乃引大軍自原北出其不意自帥驍騎陷陳羅喉軍潰世民帥騎追之實執叩馬苦諫世民曰破竹之勢不可失也遂進圍之仁果將士多叛計窮出降得其精兵萬餘人諸將皆賀因問曰大王一戰而勝遽捨步兵又無攻具直造城下眾皆以為不克而卒取之何也世民

欽定四庫全書

御批資治通鑑綱目卷三十八

曰羅喉所將皆隴外驍將悍卒吾特出其不意而破之斬獲不多若緩之則皆入城仁果撫而用之未易克也急之則散歸隴外折塢虛弱仁果破膽不暇為謀此吾所以克也眾皆悅服世民所得降卒悉使仁果兄弟及羅喉等將之與之射獵無所疑間賊畏威街恩皆愿效死世民聞諸亮名求訪獲之引為文學唐主使李密迎世民於幽州密自恃智畧功名見唐主猶有傲色及見世民不覺驚服私謂殷開山曰真英主也不如是何以定禍亂乎唐以姜實質淺水原募為秦州刺史撫以恩信士民安之莫詳處所唯西安府郿州城西九十里宜祿廢縣北五里有後魏淺水縣未知是否姑錄之以備攷焉褚亮錢瑋人幽州注見漢桓帝延熹五年姜譽上邽人

徐世勣降唐賜姓李氏

徐世勣據李密舊境未有所屬魏徵隨密至長安無所知名乃自請安集山東唐主以為秘書丞乘傳至

黎陽勸世勣早降世勣遂決計西向謂長史郭孝恪曰此民眾土地皆魏公有也吾若獻之是利主之敗自為功以邀富貴也吾實耻之今宜藉郡縣戶口士馬之數以啓魏公使自獻之乃使孝恪詣長安唐主初怪世勣無表既而聞之嘆曰世勣不肯德不邀功真純臣也賜姓李氏使孝恪與世勣經營虎牢以東范氏曰古者天子建國賜姓命氏所以別其族類之所出子孫各本於其祖不可改也漢祖賜婁敬姓為劉鄩以逆族異類為同宗然則古之賜姓者別之而虜遂以逆族異類為同宗然則古之賜姓者別之而後之賜姓者亂之也夫天親不可以人為之疆欲同之豈理也哉上讀其姓下忘其祖非先王之制不可為後世質實年郭孝恪陽翟人

欽定四庫全書

御批資治通鑑綱目卷三十八

唐斬薛仁果於市

秦王世民還至長安斬薛仁果於市唐主享勞將士謂羣臣曰諸公共相翊戴以成帝業若天下承平可共保富貴使王世充得志公輩豈有種乎如仁果君臣豈可不以為鑑也

書法

降書斬甚之也於市又甚焉

發明

光武待劉盆子以不死蓋以既受其降則不可得而殺之也薛仁果以盜賊竊據土宇罪

固當誅然上書仁果出降下書斬仁果於市則唐人未免為殺降而仁果之罪否則有所未暇問也

唐遣李密收撫山東

李密遇大朝會職當進食深耻之退以告王伯當伯當曰天下事在公度內耳乃言於唐主曰臣蒙榮寵

晉無報效山東之衆皆臣故時麾下請往收之憑籍國威取世充如拾芥耳群臣皆以密狡猾好反不可遣唐主不聽密請賈閭甫偕行唐主許之引集覽飲升御榻飲勞甚厚又以王伯富為副而遣之

夏王建德取深冀易定等州

有大鳥五集於樂壽羣鳥數萬從之又得立主以獻者建德羣臣曰此天所以錫大禹也乃改國號夏改元五鳳初王頃拔掠幽州中流矢死其將魏刀兒伐領其衆據深澤掠冀定衆至十萬建德製擊斬之并其衆易定亦降唯冀州刺史趙稜不下質實一統志云攻拔之建德見稜曰忠臣也以為內史令

欽定四庫全書

御批資治通鑑綱目卷三十八

唐屬深州宋屬河間府以景城縣省入金改壽州尋改獻州元因之至本朝改為獻縣屬河間府幽州注見唐高祖武德四年深澤二州名深澤見漢後主景耀三年澤注見梁武帝中大通六年冀定二州名冀注見秦二世二年信都定注見周威烈王二十三年易州注見周世宗顯德六年至主書禹貢篇禹錫玄圭告厥成功注禹以玄圭為贊而告成功于舜也水色黑故圭以玄云

書法

前書長樂王建德此書夏王何隋立之也於是楚德與世充結好奉表於隋隋以為夏王然則易為不書隋立不以臣隋累建德也綱目於建德多予辭

唐以秦王世民為陝東大行臺

蒲州及河北兵質實蒲州注見周報馬並受節度王十二年蒲坂

唐殺隋河東守將堯君素

隋將堯君素守河東唐遣獨孤懷恩攻之不下招之不從遣其妻至城下謂之曰隋室已亡君何自苦君素曰天下名義非婦人所知引弓射之應弦而倒君素志在守死每言及國家未嘗不歔歔謂將士曰吾大義不得不死必若隋祚永終天命有屬自當斷頭以付諸君持取富貴今城池甚固倉儲豐備大事猶未可知不可橫生心也久之食盡又聞江都傾覆左右殺君素以降別將王行本誅作亂者復乘城拒守懷恩引質實河東郡名注見漢光武建武元年

書法

隋守將何見君素之終身隋臣也前書堯君素然則易為不書死之廣為秋逆其臣雖守節如君素不得以死節書所以深惡廣也殺君素者君

欽定四庫全書

御批資治通鑑綱目卷三十八

素之左右耳書唐殺之何書唐殺之所以微著君素之節也是故其見殺也書隋其贈官也書隋唐貞觀十三年

發明

堯君素之死書河東守將則見其不失官守書隋則見其不失臣節書唐殺則見唐人非理疆殺之是寄予之之意也然既予之而又不得為死節何哉場負天下之誅以至累及臣子是以書法如此不然將書曰唐攻河東隋守將堯君素死之矣

唐以羅藝為幽州總管擊夏兵敗之

初字文化及遣使招羅藝藝曰我隋臣也斬其使為場帝發喪臨三日實建德高開道各遣使招之藝曰二子皆劇賊耳唐公乃吾主也遂與漁陽上谷諸郡皆奉表降唐唐以為幽州總管其將薛萬徹萬均亦

皆授以官爵寶建德帥眾十萬寇幽州藝將逆戰萬
均曰彼眾我寡出戰必敗不若使羸兵阻水為陳彼
必度水擊我萬均請以百騎伏於城旁俟其半渡而
擊之茂不勝矣藝從之大破建德相拒百餘日建德
引還藝司馬溫彥博贊其歸唐之計唐徵為中書
侍郎與兄黃門侍郎大雅對居近密時人榮之
實劇賊注見漢光武建武五年劇虜漢陽郡名注見
秦王政三年上谷郡名注同上年薛萬徹燉煌人
萬均之弟溫彥博并州祁人

唐以西突厥曷娑那可汗為歸義王

曷娑那獻大珠唐主曰珠誠至寶
然朕寶王赤心珠無所用竟還之

唐李密叛行軍總管盛彥師討斬之

欽定四庫全書

御批資治通鑑綱目
卷三十八

十

密之出關也長史張寶德上封事言其必叛唐主乃
敕密還更受節度密謂寶德曰無故召還恐無生
理不若破挑林縣收兵渡河苟得至黎陽大事必成
公意如何密曰明公既已委質復生異圖雖破挑
林兵豈暇集一稱叛逆誰復容人為明公計不若且
應朝命以明元無異心密怒曰唐使吾與絳灌同列
吾何以堪之閻甫曰自翟讓受戮之後人皆謂明公
棄恩忘本今日誰肯復以兵委公者大福不再願熟
思之密大怒揮刃欲擊之閻甫奔熊州密遂斬使者
入挑林縣驅掠徒眾直趣南山乘險而東使人馳告
故將伊州刺史張善相令以兵應接而聲言向洛行
軍總管盛彥師聞之率眾踰熊耳山南據要道令其
眾夾路而伏令之曰俟賊半渡一時俱發或曰開密
欲向洛而公入山何也彥師曰密聲言向洛實欲出
人不意走襄城就張善相耳若賊入谷我自後追之
山路險隘一夫殿後必不能制今吾得先入谷擒之

必矣密果南出丰渡彥師擊斬之及伯當傳首長安
李世勣在黎陽唐主遣使以密首示之世勣北面號
慟表請收葬詔歸其屍世勣舉軍縞素葬之
密素得士心天之所多嘔血善相亦降於唐
絳謂絳侯周勃初以緇薄為生故李密皆賤之殿後注
昌文侯灌嬰初以販繒為生故李密皆賤之殿後注
見漢昭烈帝
質實一統志云挑林縣本秦函谷關地
析置挑林縣屬陝州後屬號郡唐初屬陝州天寶初
得符寶於古函谷關因改曰靈寶縣宋金元仍舊焉
本朝因之改屬河南府委質注見周威烈王二十三
年熊州注見周安王十一年宜陽南山注同上十五
年伊闕伊川注見漢帝元更始二年洛州名注見秦
莊襄王元年三川盛彥師宋州虞城人熊耳山注見
宋文帝元嘉二十七年襄城
郡名注見周赧王十五年

欽定四庫全書

御批資治通鑑綱目
卷三十八

十一

書法 李密於隋書起兵矣此其書叛何嘗降
唐也故書討斬之綱目之名分嚴矣

高開道據漁陽自稱燕王○唐以李素立為侍御史

有犯法不至死者唐主特命殺之監察御史李素立
諫曰三尺法王者所與天下共也法一動搖人無所
措手足陛下甫創鴻業奈何棄法臣不敢奉詔唐主
從之命所司授以七品清要官擬雍州司戶唐主曰
要而不清又擬秘書郎唐主質實三尺法孟康云三
曰清而不要遂擢授侍御史
書法律是也雍州注見唐
元宗開元十一年京兆

唐以舞胡安叱奴為散騎侍郎

唐以舞胡安叱奴為散騎侍郎禮部尚書李綱諫曰
古者樂工不與士齒今天下新定建義功臣行賞未

過高材碩學猶滯草萊而先擢舞胡為五品使鳴王

授之不可追也陳叔曰受命之主發號施令為子孫

法一不中理則為厲階豈可謂業已授之而不可追

集覽制曰出卿不與士齒注賤也於其卿中則齒

親親也鳴玉曳組王佩也組綬也間次五米為之曳

以制反引也記王藻曰古之君子必佩玉進則揖之

退則揚之然後玉鐙鳴也故在車則聞驚和之聲行

則鳴佩玉素雅佩圓其制上有折衝下有雙璜中有

珪瑪下有衝牙貫之以組綬焉又質實厲階注見文

佩玉之節注見漢順帝陽嘉二年質實厲階注見文

書法直書舞胡而貶義自見矣是故唐用安叱奴

書舞胡後唐用陳俊等書伶人用嚴旭書樂

工皆深

識之也

欽定四庫全書

新杜齊治通鑑綱目

卷三十八

三

孝元獨孤武都

王世充盡取隋朝顯官名士為官屬杜淹戴胄皆預

焉世充專總朝政事無大小悉關太尉府臺省監閣

然上書陳事者日以百數世充悉引見殷勤慰諭人

人自喜然終無所施行下至士卒廝養皆以甘言悅

之而實無恩施馬軍總管獨孤武都為世充所親任

步兵總管劉孝元等謀召唐兵使崔孝仁說武都曰

王公徒為兒女之態以說下愚而鄙隘貪恣不顧新

舊豈能成大業哉唐起晉陽奄有關內兵不留行英

雄景附且坦懷待物舉善責功不念舊惡據勝勢以

爭天下誰能敵之今其兵近在新安若遣間使召之

吾曹為內應事無不集矣武

都從之世世充皆殺之

集覽

苦賜反徐氏音苦鵠反馬鄭云無人貌廣韻注寂靜

也禮韻開作閨音苦臭反說下愚句絕說讀與悅同

兵不留行注見晉

安陽人晉陽縣名注見周威

唐淮安王神通擊宇文化及於魏縣走之

書法

薛舉稱帝則以秦主舉書化及亦稱許帝矣

然則不書討書擊何唐有

嫌也惟實建德得書誅

○淮安楊士林擊破朱粲唐以為顯州行臺

朱粲有眾二十萬剽掠漢淮間每破州縣食其積粟

將去悉焚其餘軍中乏食乃殺士卒烹婦人嬰兒噉

之曰肉之美者無過於人但使他國有人何憂於饑

初以隋者作佐即陸從典通事舍人顏慤楚為賓客

李軌發民築臺勞費甚廣河右饑人相食軌傾家財

賑之不足議發倉粟羣臣皆以為然謝統師等故隋

官心不服軌乃曰百姓饑者自是羸弱勇壯之士終

不至此倉粟以備不虞豈可散之以飼羸弱軌以為

然由是士

心離怨

已隋恭帝侗皇泰二年唐武德二年○鄭王王世充開

卯明元梁王沈法興與康元吳王李子通明政元年

是歲隋涼州王并楚夏

定楊梁師都梁銑凡九國

春正月隋王世充殺總管劉

其後國家皆為所吸又稅諸城堡細弱以供軍食淮
安土豪楊士林起兵攻聚諸州皆應之聚大敗奔荆
潭士林帥漢東四郡諸集覽荆潭本漢縣地漢地
降唐以為顯州道行臺集覽志南陽有鄧縣今屬鄧
州荆州記菊水出穰縣南芳菊被岸質實一統志云
水極甘香谷中人飲此水者多壽菊實南
陽府內鄉縣西北源出折谷東石澗山或云出石馬
峰其水重於諸水傍生甘菊水極甘香有數十家惟
飲此水壽多至百歲之上其菊莖短花大其味甘美
異於他菊人多收其種傳於四方顯州注見齊武帝
永明五年

二月唐定租庸調法集覽

租庸調王崇曰有田則有租
有身則有庸有戶則有調

每丁租二石絹二疋綿三
兩自茲以外不得橫歛

欽定四庫全書

御批資治通鑑綱目
卷三十八

十四

唐置宗師

詔諸宗姓居官者在同列之上未仕者免
徭役每州置宗師一人以攝總別為團伍

唐使吐谷渾伐涼

初唐冊使至涼州李軌欲去帝號受唐官爵曹珍曰
隋失其鹿天下共逐之唐帝開中涼帝河右固不相
妨必欲以小事大請依蕭答事魏故事軌從之遣其
左丞鄧曉入見奉書稱皇從弟大涼皇帝臣軌唐主
怒使議討之初隋煬帝征吐谷渾可汗伏允奔黨項
煬帝立其質子順為主不果入會中國喪亂伏允還
收其故地唐主即位遣使與伏允連和使擊李軌許
以順運之伏允喜起兵擊軌數遣使入貢請順唐主
遣集覽冊使冊王言也王言之制有七一曰冊書立
皇太后皇太子封諸王納妃嬪臨軒冊命則用

之中書令讀侍郎持授之使謂將命質實涼州注見
者蕭譽魏立之是為後梁晉察唐中宗景
龍二年隋失其鹿注見漢光武建武六年吐谷渾西
域種名注見晉元帝建武元年党項西戎別種注見
陳後主至德四年質子
注見周顯王四十一年

書法

引夷滑夏必書寇恒也據盧芳梁師都此吐
谷渾也其書伐何罪涼也涼嘗受唐爵矣既
而自稱涼帝唐之伐之為有名
矣故雖以吐谷渾兵得稱伐

朱紫降唐以為楚王○夏王建德破宇文化及於聊城
誅之

欽定四庫全書

御批資治通鑑綱目
卷三十八

十五

宇文化及誘海曲諸賊帥共守聊城實建德謂其下
曰隋為吾君吾為隋民化及弑逆不可不討乃引兵
趣聊城時唐淮安王神通攻聊城化及糧盡請降神
通不許建德軍且至神通引退建德與化及連戰大
破之生擒化及先謁隋蕭后稱臣素服哭場帝盡哀
收傳國璽執智及與其黨集隋官而斬之建德每克
城得資財悉以分將士常食蔬茹粟飯妻曹氏不衣
綺綺婢妾纔十許人得隋宮人千數即時散遣以裴
矩為左僕射自餘隨才授職欲討關中及東都者聽
之又與王世充結好奉表於隋隋封建德為夏王裴
矩為定朝儀制律令建德甚悅胡氏曰商紂既亡子
孫皆臣服於周惟妹土頑民乃有哀號呼天欲紀其
緒未聞殷之賢臣為紂斬裴矩誅諸事姐已者也隋
受國恩不能匡諫親行弑逆輒自稱尊討而殺之可
也而為昏煬發哀拜謁蕭后則施之不當何足以感
動人心其與漢祖集覽妹土書酒誥明大命于妹邦
為義帝之節異矣

是馬氏曰妹土即牧養之地蔡氏曰即詩所謂妹之
卿矣視紂為浮視上聲此也紂商王受也浮過也書
秦誓惟受罪浮于桀漢祖為義帝之節初漢王與項
羽共立義帝後為羽所殺漢王乃為義帝發喪於是
南浮江漢以下顧從諸侯王擊楚之殺義帝者
侯王擊楚之殺義帝者質實一統志云海曲漢之縣
名日照鎮魏晉以來俱屬呂縣金始置日照縣屬
州元仍舊本朝因之改屬青州府聊城縣名注見
秦孝文王元年傳國璽
注見漢光武建武三年

書法 書誅何弼君賊也不誅則亂臣賊子接踵於
天下矣綱目於隋末諸國唯夏多予辭蓋建
德之興常近正故書稱長樂王不書自據也馬
有書自稱某王為夏王不書隋以破化及則書誅
據淮安書擊雖以唐攻之止
書擊據唐於秦涼鄭梁書伐

欽定四庫全書

御批資治通鑑綱目
卷三十八

唐以宇文士及為上儀同封德彝為內史侍郎

初唐主與宇文士及善化及既死手詔召之士及與
封德彝來降時士及妹為昭儀由是授上儀同唐主
以德彝諂巧不忠罷遣就舍德彝以秘策干唐主唐
主悅拜內史舍人俄遷侍郎范氏曰甚矣佞人之難
遠也自古君子易疎小人易親蓋君子難於進而果
於退小人不耻於自售而威於不見知其進也無所
不至人君一為所惑鮮有不至禍敗者也胡氏曰禍
亂之臣於興國無怨惡也而不可不戮者天下之惡
一也既以謝塗炭之人又以訓吾之臣子也德彝士
及身為大臣產禍召亂又與叛逆詬詈其君此而不
誅反寵秩之唐之
官賞為不足貴矣

書法

化及士及兄弟也化及弑逆之賊士及德彝
其黨也復誅之唐爵之綱目並書于策得失

隋王世充侵唐穀州

見
矣
發明 士及德彝之權書之初無貶詞然此事而觀
士及為逆黨則二人之為小人無疑矣綱目據事
直書而唐主用人之失固在其中宜乎先儒之交
貶也

欽定四庫全書

御批資治通鑑綱目
卷三十八

王世充以秦叔寶程知節為將軍待之皆厚然二人
疾世充多詐知節謂叔寶曰王公器度淺狹多妄語
好咒詛乃老巫嫗耳宜撥亂之主乎至是世充與唐
兵戰於九曲叔寶知節以數十騎西馳百許步下馬
拜世充曰僕荷公殊禮深恩報效公猜忌信讒非僕
託身之所請從此辭遂降於唐秦王世民聞其名厚
禮之以叔寶為總管知節為統軍既而將軍李君羨
田留安亦降于唐世民置君羨左右以留安為統軍
世充攻獲嘉唐陟州刺史集覽九曲地名屬穀
李育德與弟三人皆戰死
注見周安王十一年宜陽李君羨洛州人一統志云
獲嘉縣名本殷之寧邑地周為脩武地秦屬三川郡
漢武帝幸緱氏至緱縣得南越相呂嘉首因置縣名
獲嘉屬河南郡晉因之又增置殷州東魏置西脩武
高齊移獲嘉治共城隋開皇中移治於此唐初置殷
州貞觀中州廢以縣屬懷州宋元仍舊焉本朝因之
改屬衛輝府陟州注見
周威烈王六年懷縣

唐并州總管齊王元吉免尋復本任

殿內監竇誕右衛將軍宇文歆助齊王元吉守晉陽
元吉性驕侈好田獵載網罟三十餘車嘗言我寧三

日不食不能一日不獵嘗與誕獵踐人木稼縱左右掠奪民物當衛射人觀其避箭歟乃表言其狀元吉坐免官尋諡父質實實誤祁州人老留已詔復從之

唐以楊恭仁為涼州總管

恭仁素習邊事曉羌胡情偽民夷悅服自惠嶺以東並入朝貢集覽惠嶺注見漢和帝永元二年

質實楊恭仁華陰人隋觀王雄之子

突厥始畢可汗死弟處羅可汗立○隋東海北海東平

須昌淮南諸郡皆降于唐質實東海郡名注見秦二世二年鄭北海郡名注見

漢桓帝永康元年青州東平郡名注見漢獻帝興平元年須昌郡名注見宋文帝元嘉七年○隋王

欽定四庫全書

御批資治通鑑綱目卷三十八

世充自稱鄭王加九錫

初王世充既殺元盧慮人情未附猶媚事隋主既而漸驕橫嘗賜食宮中還家大吐疑為遇毒自是不復朝謁其侵殺州也外亦攻取實名文武議受禪李世英深以為不可曰四方所以歸附東都者以公能中興隋室故也今九州之地未清其一而遽正位號恐遠人皆思叛去矣戴胄亦曰君臣猶父子也林威同之明公若能竭忠狗國則家國俱安矣世充說辭稱善而遣之及議受九錫復固諫世充怒出為鄭州長史乃使從達等言於隋主隋主曰鄭公近平李密已拜太尉自是以來未有殊績侯天下稍平議之未晚達曰太尉欲之隋主熟視曰任公達等隨稱詔進世充爵鄭王加九錫世充奉表三讓納言獲威年老不任朝謁世充以威隋氏重臣欲以眩耀士民每勸進必冠威名又受殊禮之日扶威置百官之上然後

南面正集覽元盧元文都盧楚去年被殺任公句絕任從公之意質實九錫注見漢平帝元始五年鄭州注見梁武帝普通六年納言官名注見漢靈帝光和元年

唐以鄭善果為內史侍郎

初宇文化及以隋大理卿鄭善果為民部尚書從至卿城為化及督戰中流矢及城破王琮獲之責之曰公名臣之家隋室大臣奈何為賊君之賊致命至此乎善果大慙欲自殺奔長安唐主優禮之質實長安縣名注見漢惠帝五年

書法前書士及德尊繼書元吉善果實刑若此唐之治體所以不得為純粹也

夏四月定楊可汗武周擊唐并州取榆次

欽定四庫全書

御批資治通鑑綱目卷三十八

十九

劉武周引突厥寇并州兵鋒甚盛齊王元吉遣將軍張達以步卒百人當之達以兵少辭彊遣之至則俱沒達忿恨引武周集覽榆次戰國趙地智伯敗於榆次周襄榆次隘之即此次一音慈業地志太原有梗陽鄉是也括地志云并州榆次縣古榆次也今太原府榆次縣屬太原郡晉仍舊後魏太武時并入晉陽縣年一統志云榆次古地名春秋時晉為塗水邑漢置榆次縣屬太原郡晉仍舊後魏太武時并入晉陽縣後復置北齊省入中都隋初復置徙治漢榆次古城屬并州唐宋金元仍舊至本朝因之改屬太原府

楚王朱粲殺唐使者奔東都

唐龍騎常侍段確奉詔慰勞朱粲乘醉侮粲曰聞卿好啜人人作何味粲曰啜醉人正如糟甌肉確怒罵曰狂賊入朝為一頭奴耳復得啜人手聚烹食之遂屠前潭奔王世充

書法李密受唐爵矣殺唐使者則叛也不書叛何據

鄭王世充稱帝

世充令長史常節等造禪代儀遣段達等入奏隋主曰天命不常鄭王功德甚盛願陛下遵唐虞之迹隋主怒曰天下者高祖之天下若隋祚未亡此言不應發必天命已改何煩禪讓公等或祖禰舊臣或台鼎高位既有斯言朕復何望世充乃稱隋主命禪位於鄭幽隋主於含涼殿雖有三表陳讓及敕書敦勸隋主皆不之知世充遂備法駕入宮即皇帝位立子玄應為太子玄恕為漢王奉隋主為潞國公以蘇威為太師以陸德明為漢王師令玄恕就其家行束脩禮德明耻之故服巴豆散對之遺利竟不與語世充聽朝語詞重複百司疲於聽受御史大夫蘇良諫曰陛下語太多而無領要計云爾即可何煩許辭世充不

欽定四庫全書

御批資治通鑑綱目卷三十八

能集覽對之遺利故意服藥而對元恕遺矢泄痢也領要綱領樞要也要一音伊消反凡持衣必執領與要故無所操持者以無領要為質實祖備注諭計云爾即可計度只如此說亦可矣質實見漢章帝元和二年台陽注見唐高宗開耀元年法駕注見漢高后八年路國注見周報王五十三年上黨行束脩禮語自行束脩以上吾未嘗無誨焉注脩脯也十脰為束古者相見必執贄以為禮

夏王建德立楊政道為鄆公

建德元年王世充自立乃絕之始建天子旌旗出入警蹕立隋王諱腹子政道為鄆公然猶倚突厥以壯兵勢隋義成公主遣使迎蕭后建質實警蹕注見德道之大傳字文化及首以獻公主質實漢文帝三年宣帝太建十二年

定楊可汗武周圍唐并州齊王元吉拒却之鄭主世

充取唐伊州總管張善相死之○唐遣安興貴襲執涼

主軌以歸殺之河西平

李軌將安修仁兄興貴仕長安表請說軌唐主曰軌阻兵恃險豈口舌所能下興貴曰臣家在涼州突世豪望為民夷所附弟修仁為軌所信任子弟在機近者以十數軌聽臣固善若其不聽圖之易矣唐主乃遣之興貴至乘間說軌曰涼地不過千里土薄民貧今唐起太原取幽秦宰制中原戰勝攻取此殆天啓非人力也若往歸之則實融之功復見於今日矣軌曰吾據山河之固彼若我何汝自唐來為唐游說耳興貴退與脩仁陰結諸胡起兵擊軌軌敗嬰城自守興貴徇曰大唐遣我來誅李軌敢助之者夷三族城

欽定四庫全書

御批資治通鑑綱目卷三十八

中人爭出軌計窮興貴執之以聞河西悉平鄧曉在長安舞蹈稱慶唐主曰汝為人使臣聞國亡而不戚既不忠於李軌其肯為朕用乎遂廢之終身軌質實太原郡名注見齊明帝建武三年并州函泰注見晉安帝義熙十三年中原注見唐元宗天寶十五載實融之功事在漢光武建武十二年夷三族注見秦二世二年河西郡名注見漢安帝元初元年

書法

書遣襲何譏也王者之師不若是矣

五月鄭主世充殺隋主侗

世充以尚書裴仁基裴行儼有威名忌之仁基父子知之亦不自安乃與尚書左丞宇文儒童等謀殺世充復立隋主事泄皆夷三族齊王世惲言於世充曰儒童等謀反正為隋主尚在故也不如早除之世充

遣人酖之隋主請與太后訣不許乃布席禮佛曰願
自今以往不復生帝王家飲藥不能絕以帛縊殺之
諡曰恭
皇帝

六月定揚將宋金剛擊唐并州唐以裴寂為總管拒之

初易州賊宋金剛有眾萬餘為竇建德所敗西奔劉
武周武周得之甚喜號曰宋王委以軍事金剛說武
周圖晉陽南向以爭天下武周從之使將兵寇并州
武周進陷介州唐主以為憂裴寂請自行聽以便宜
從
實實 州注見周威烈王二十三年

秋七月唐置十二軍

置十二軍分統關內諸府皆取天星為名每軍將副
各一人督以耕戰之務由是士馬精彊所向無敵

欽定四庫全書

御批資治通鑑綱目
卷三十八

集覽 置十二軍初折開中為十二道後又更置為十
二軍萬年道為參旗軍長安道為鼓旗軍富平

道為元戎軍醴泉道為井鉞軍同州道為羽林軍華
州道為騎官軍寧州道為折威軍岐州道為平道軍
幽州道為招搖軍西麟道為苑遊軍
涇州道為天紀軍宜州道為天節軍

唐以徐圖朗為兗州總管

海岱賊帥徐圖朗以數
州降唐唐以為總管

鄭將羅士信降唐

先是士信從李密擊世充兵敗為世充所得世充厚
禮之與同寢食既而得而元真等待之如士信士信
耻之致降唐唐以為
實實 陝州道行軍總管
王四十五年

鄭人侵唐穀州刺史任瓌大破之○西突厥高昌遣使
入貢于唐

初西突厥曷娑那可汗入朝于隋隋人留之國人立
其叔父號射匱可汗射匱者達頭可汗之孫也既立
拓地東至金山西至海遂與北突厥為敵建庭於龜
茲北三彌山射匱卒弟統葉護可汗立統葉護勇而
有謀北并鐵勒控弦數十萬據烏孫故地又移庭於
石國北干泉西域諸國皆臣之葉護各遣吐屯監之
督其征賦至
集覽 統葉護突厥大臣曰葉護統其名
是入貢于唐
實實 一統志云金山在遼東指揮使司三萬衛西
北三百五十里遼河北岸綿亘三百餘里龜
茲西域國名注見漢桓帝永壽元年鐵勒高車部號
注見宋文帝元嘉七年控弦注見漢帝元更始二年

欽定四庫全書

御批資治通鑑綱目
卷三十八

為孫西域國名注見漢武帝元狩
元年石國注見唐高宗顯慶二年

八月唐鄭公亮考異

提要亮作卒按凡例失尊曰卒
注周報漢獻之類當從提要
考

證 亮當作卒 謹按凡例曰失尊曰卒注云如周報漢
獻之類隋公為鄭公則亦曹奐之類矣故亦當書卒

實實 鄭縣名注見
皇泰元年

諡曰隋
恭帝

書法

書亮何廢帝也自晉書陳留王曹奐卒是後
代興之際廢主皆弒無有以卒書者於是復
見若唐者可謂近厚矣其永世也宜哉綱目前書
選用其宗室此書唐鄭公亮皆予之也終綱目自
分王外書亮十四拜晉武帝太安元年
而廢帝書亮者二晉海西公唐鄭公

夏王建德取唐邢滄洛相州

建德將兵十餘萬陷邢洛相州
安王神通不能拒就李世勣於黎陽
質實 邢滄二州
范義帝元年洛注見晉穆帝永和六年洛相二州名
洛注見漢武帝元狩四年廣平相注見漢元帝建昭
二年魏郡黎陽郡名注
見漢成帝綏和三年

梁王師都以突厥寇延州唐總管段德操擊破之考異

王當作主
寇當作侵

梁師都與突厥合數十騎寇延州唐總管段德操初
以兵少不敵閉壁不戰伺師都稍怠遣副總管梁禮
將兵擊之戰方酣德操以輕騎掩擊其後師都軍
潰逐北二百餘里破其魏州唐男女二十餘口 質

欽定四庫全書

御批資治通鑑綱目
卷三十八

實 延州注見梁武帝普通六年遼北注見周報
王三十一一年魏州注見漢成帝綏和二年

梁主銑遣兵侵唐峽州刺史許紹擊破之

先是唐主遣開府李靖詣夔州經畧蕭銑靖至峽州
阻銑兵久不得進唐主怒其遲留陰敕許紹斬之紹
惜其材為之 集覽 帝永元四年 質實 夔州注見漢
奏請獲免 集覽 帝永元四年 質實 獻帝建安十

九年巴東峽州注見周報王三
十七年夷陵許紹安州安陸人

唐殺其民部尚書劉文靜

文靜自以才畧功勳在裴寂之右而位居其下意甚
不平寂數有妖弟文起召巫厭勝文靜有妾無寵使
其兄上變告之唐主以文靜屬吏遣寂問狀文靜曰
建義之初忝為司馬計與長史位望畧同今寂為僕

欽定四庫全書

御批資治通鑑綱目
卷三十八

其逆麟正義曰批白結反索隱曰批觸擊也司馬彪
曰批反擊也又韓非傳曰龍之為蟲可擾押而騎也
然其喉下有逆麟說之者能無嬰之則必殺人 質實 夔
人主亦有逆麟說之者能無嬰之則必殺人 質實 夔
注見漢章帝建初七年甲第注見漢桓帝
元嘉元年京師注見周顯王二十五年

發明

唐自開國以來政事施設見于綱目之所書
者始亦頗有可觀如定律令置學校選用隋
氏宗室旌擢孫伏伽李素立之類皆足以興起人
心無愧於興王之業然而大明方升薄蝕隨至於
是實樂工於朝列擢亡國之佞臣今又殺其建義
之士政事日益外駁良由唐祖非有聖哲之姿特
以天命在唐又有太宗以為之子故能笑列群雄
削平四海耳不然未見其可也文靜之死秦王為
主之濫殺為可知矣是以書法如此惜哉

射據甲第臣官賞不異衆人東西征討老母留京師
風雨無所庇實有缺望之心唐主曰觀此言反明白
矣李綱蕭瑀皆明其不反秦王世民為之固請曰肯
在晉陽文靜先建非常之策始告寂知及克京城任
遇懸隔今文靜缺望則有之非敢謀反寂曰文靜才
畧過人性復蠢險天下未定留之必貽後患唐主素
親寂低徊久之卒用寂言殺文靜藉沒其家胡氏曰
文靜首唱大誅賞不酬勲又以讒死而太宗不能力
救何也曰非不能也不取也文靜晉陽引寂見世民
之時有漢高魏武之比而未嘗歸心高祖寂則高祖
所厚而世民所薄也其不敢力諫為是也歟在世民
則當然而李綱蕭瑀不能數批逆麟使勲葛亮死其
責大矣為文靜者功名已著退以全身何善如之 集
覽 上變告注見漢高帝九年秋望注同上六年低回
注見隋文帝開皇十二年批逆麟史記制軻傳批